



Agency for Development of Higher Education and Quality Assurance

Broj: 05-33-1-946-6 /14  
Datum: 03.02.2015. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07 i 59/09), u postupku akreditacije Univerzitet „Džemal Bijedić“, Mostar, na prijedlog Ministarstva obrazovanja, nauke, kulture i sporta Hercegovačko-neretvanskog kantona, direktor Agencije za razvoj visokog obrazovanja i osiguranje kvaliteta, donosi:

### RJEŠENJE

**o imenovanju Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolskih ustanova**

1. Imenuje se Komisija domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolske ustanove Univerzitet „Džemal Bijedić“, Mostar (u daljem tekstu Komisija) u sastavu:
  1. Rejhana Dervišević, predstavnik akademske zajednice u Bosni i Hercegovini, predsjednik;
  2. Simo Jakanović, predstavnik akademske zajednice u Bosni i Hercegovini, član;
  3. Jasna Hivziefendić, predstavnik privrede i prakse u Bosni i Hercegovini, član;
  4. Marinka Drobnić-Košorok, međunarodni stručnjak, član;
  5. Igor Bošnjak, student, član
2. Komisija stručnjaka radi u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) i Odlukom o kriterijumima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, br.75/10 i 3/13).
3. Rok za dostavu Izvještaja Komisije domaćih i međunarodnih stručnjaka Agenciji za razvoj visokog obrazovanja i osiguranje kvaliteta je 90 dana od prijema ovog Rješenja.
4. Sekretar Komisije će se odrediti u skladu sa članom 15 stav 10 Pravilnika o akreditaciji visokoškolskih ustanova i studijskih programa Hercegovačko-neretvanskog kantona („Službene novine HNK“, broj: 04/12).
5. Rješenje o imenovanju Komisije stručnjaka je konačno i objaviće se na web stranici Agencije za razvoj visokog obrazovanja i osiguranje kvaliteta.
6. Rješenje stupa na snagu danom donošenja.


## Obrazloženje

Po prijedlogu Ministarstva obrazovanja, nauke, kulture i sporta Hercegovačko-neretvanskog kantona, broj:05-03-40-1323-2/14 od 09.12.2014. godine, Agencija za razvoj visokog obrazovanja i osiguranje kvaliteta na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09) imenuje predloženu Komisiju domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova kako je odlučeno članom 1. ovog Rješenja.

Budući da je postupak imenovanja Komisije stručnjaka u skladu sa odredbama člana 49. alineja 1), 2) i 3) Okvirnog zakona o visokom obrazovanju u Bosni i Hercegovini, Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, br. 100/11), odlukom stručnog kolegija Agencije od 28.01.2015. godine, odlučeno je kao u dispozitivu ovog Rješenja.

### Pouka o pravnom lijeku:

Protiv ovog Rješenja Agenciji za razvoj visokog obrazovanja i osiguranje kvaliteta može se uložiti prigovor u roku od 8 dana od dana prijema Rješenja.



### Dostavljeno:

1. Imenovanim
2. Ministarstvo obrazovanja, nauke, kulture i sporta Hercegovačko-neretvanskog kantona
3. Univerzitet „Džemal Bijedić“
- ④ 4. Sektor 05
5. a/a